

漢魏六朝百三家集

梁

簡文帝

第六十五冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

梁簡文集

梁簡文帝集

PL
2494
H38
1879

v. 65-68

梁簡文帝集題詞

史言梁簡文帝文集一百卷雜著六
百餘卷自古皇家撰論未有若是其
多者蓋朱邸日久會逢清晏兼以昭
明爲兄湘東爲弟文辭競美增榮棠
棣儲極旣正宮體盛行但務綺博不

避輕華人挾曹丕之資而風非黃初
之舊亦時世使然乎賊景犯闕強登
帝座吞土不祥終於協夢至今讀其
題壁序自云蘭陵正士弗欺暗屋輒
爲泣數行下武帝開門揖盜自戕血
肩簡文立顛沛之中罹懷愍之酷戮

胡薺尾孽非已作後代諱其閔凶并
其文字指爲無福不得擬秋風步短
歌亦足悲也帝答湘東書頗厭時人
效謝康樂裴鴻臚余謂帝詩文適在
謝後裴前耳昭明稱帝佳作止云首
尾裁淨一字之評從來論六朝者所

未逮帝誠當陽書立身須謹重文章
須放蕩是則其生平所處也

婁東張溥題

梁簡文帝御製集目錄

卷之一

賦

悔賦

有序

阻歸賦

述羈賦

序愁賦

玄虛公子賦

舌賦

晚春賦

大壑賦

圍城賦

舞賦

箏賦

金罇賦

有序

對燭賦

燈賦

又

眼明囊賦 有序

梅花賦

採蓮賦

脩竹賦

鴛鴦賦

鳩鵲賦

詔

改元詔

卽位赦詔

營莊陵詔

令

與劉孝儀令

與湘東王論王規令

卹孔休源手令

與衡山侯恭手令

臨城公夫人停省太子妃令

教

移市教

復臨丹陽教

臨雍州原減民間資教

臨雍州革貪惰教

圖雍州賢能刺史教

罷雍州恩教

與僧正教

資遣孔燾二女教

甄異張景願復讐教

移文

答穰城求和移文

表

謝立爲皇太子表

拜皇太子臨軒竟謝表

謝賜新曆表

又

上昭明太子集別傳表

上大法頌表

上南郊頌表

上白兔表

請朱异奉述制旨易義表

請賀琛奉述毛詩義表

爲甯國臨城二公請入學表

讓鼓吹表

讓驃騎揚州刺史表

在州羸疾自解表

爲武陵王讓揚州表

爲長子大器讓宣城王表

爲子大心讓當陽公表

爲子大款讓石城公表

疏

愍囚徒疏

章

爲南平王拜大司馬章

爲王規拜吳郡太守章

啓

賀洛陽平啓

上武帝菩提樹頌啓

上皇太子玄圃園講頌啓

上東宮叙南康王薨啓

謝勅賚中庸講疏啓

謝勅示苦旱詩啓

謝賚扇啓

謝賚碧慮基子屏風啓

謝勅賜玉佩啓

謝勅賚魏國獻錦等啓

謝勅賚善勝威勝刀啓

謝勅賚方諸劍等啓

謝勅賚貂坐褥席啓

謝勅賚織竹火籠啓

謝勅賚廣州驅啓

謝勅賚大菰啓

謝勅賚長生米啓

謝勅賚城邊橘啓

謝勅賚益州天門冬啓

謝勅賚河南菜啓

謝東宮賜裘啓

謝東宮賜柿啓

答安吉公主餉胡子一頭啓

謝邵陵王禁錮啓

請武帝御講啓

重請御講啓

又請御講啓

奉請上開講啓

謝上降爲開講啓

重謝上降爲開講啓

謝開講般若經啓

答同泰寺立刹啓

謝勅使監善覺寺起刹啓

謝御幸善覺寺看刹啓

謝勅賚銅供造善覺寺塔露盤啓

謝勅賚栢刹柱并銅萬斤啓

謝勅賚錢并白檀香克法會啓

謝勅賚苦行像并佛跡啓

奉阿育王寺錢啓

謝勅賜解講錢啓

謝賜錢啓

謝勅賚納袈裟啓

又

又

又

謝勅聽從舍利入殿禮拜啓

謝勅使入光嚴殿禮拜啓

謝勅爲建湟槃懺啓

謝勅叅迎佛啓

書

答湘東王和受試詩書

答湘東王書

又答湘東王書

答湘東王上王羲之書

答湘東王慶州牧書

答南平嗣王餉舞簞書

答定襄侯餉臥簞書

與廣信侯述聽講事書

與廣信侯重述內典書

答新渝侯和詩書

誠當陽公大心書

答張纘謝示集書

與蕭臨川書

與劉孝綽書

答蕭子雲上飛白書屏風書

答徐摛書

與魏南荊州刺史李志書

與智琰法師書

又

弔道澄法師亡書

序

莊嚴旻法師成實論義疏序

自序

昭明太子集序

臨安公主集序

馬槊譜序

三日曲水詩序

八關齋制序

論

勸醫論

彈碁論

七

七勵

頌

大法頌 有序

玄圃園講頌 有序

南郊頌 有序

菩提樹頌 并序

馬寶頌 有序

銘

大愛敬寺剎下銘 有序

行雨山銘

明月山銘

釋迦文佛像銘

彌陀佛像銘

維衛佛像銘

式佛像銘

迦葉佛像銘

梁安寺釋迦文佛像銘

杖錫銘

書案銘

鏡銘

碑

吳郡石像碑

招真館碑

善覺寺碑

慈覺寺碑

相宮寺碑

神山寺碑

吳興楚王神廟碑

長沙宣武王北涼州廟碑

連珠

被幽連珠三首

墓誌銘

華陽陶先生墓誌銘

徵君何子哲先生墓誌銘

庶子王規墓誌銘

戎昭將軍劉顯墓銘

長沙宣武王碑銘

安成蕃王墓銘

中書令臨汝靈侯墓銘

儀同徐勉墓銘

太子舍人蕭特墓銘

湘宮寺智禪法師墓銘

同泰寺故功德正智寂師墓銘

宋姬寺慧念法師墓銘

甘露鼓寺敬脫法師墓銘

淨居寺法昂墓銘

誄

司徒始興忠武王誄

哀辭

大同哀辭

文

悔高慢文

六根懺文

唱導文

四月八日度人出家願文

千佛願文

祭文

祭灰人文

祭戰亡者文

疏

爲諸寺檀越願疏

爲人造丈八夾紵金薄像疏

爲人作造寺疏

卷之二

樂府

上之回

採桑

樂府三首

蜀國絃歌篇

豔歌篇

妾薄命篇

君子行

從軍行

長安有狹斜行

泛舟橫大江三首

鴈門太守行二首

京洛篇

櫂歌行

怨歌行

美女篇

鬪雞

苦熱行

茱萸女

棗下何纂纂

金樂歌

行幸甘泉宮

有所思

和湘東王橫吹曲三首

折楊柳

洛陽道

紫騮馬

長安道

江南思

江南行

雞鳴高樹顛

明君詞

當置酒

詠中婦織流黃

豔歌曲

怨詩

採蓮曲

霹靂引

雉朝飛操

貞女引

龍丘引

當壚曲

昇仙篇

愛妾換馬

半路溪

擬沈隱侯夜夜曲

獨處怨

代樂府三首

楚妃歎

新成安樂宮

雙桐生空井

雍州曲三首

南湖

北渚

大堤

大垂手

小垂手

有所思三首

蜀道難二首

採菱曲

別鶴

生別離

夜夜曲二首

春江曲

桃花曲

樹中草

上留田行

烏夜啼

烏棲曲四首

採菊篇

東飛伯勞歌二首

雞鳴篇

度關山

從軍行

隴西行

江南弄三首

江南曲

龍笛曲

採蓮曲

詩

三日侍皇太子曲水宴

九日侍皇太子樂遊苑

應令詩

愍亂詩

上巳侍宴林光殿曲水

和武帝宴詩二首

侍遊新亭應令

奉和登北顧樓

登烽火樓

玩漢水

登城

山池

贈張纘

餞廬陵內史王脩應令

餞臨海太守劉孝儀蜀郡太守劉孝勝

經琵琶峽

仙客

往虎窟山寺

望同泰寺浮圖

蒙預懺悔詩

蒙華林園戒詩

旦出興業寺講詩

遊光宅寺應令

十空六首

如幻

水月

如響

如夢

如影

鏡象

和湘東王名士悅傾城

和徐錄事見內人作臥具

戲贈麗人

率爾成詠

執筆戲書

從頓暫還城

秋閨夜思

詠內人晝眠

傷美人

變童

倡婦怨情十二韻

詠舞二首

戲作謝惠連體十三韻

和藉田

漢高廟賽神

祠伍員廟

守東華門開

春日想上林

喜疾瘳

臥疾

詠風

三月三日率爾成詩

晚春

和湘東王首夏

納涼

晚景納涼

初秋

秋夜

秋晚

大同八年秋九月

大同十年十月戊寅

大同十一年庚戌

立圃寒夕

奉答南平王康賚朱櫻

賦棗

西齋行馬

賦得隴坻鴈初飛

藥名詩

卦名詩

登城北望

登琴臺

餞別

送別

晚景出行

春閨情

詠美人觀畫

詠人棄妾

美人晨妝

和林下妓應令

夜聽妓

擬落日窗中坐

雪裏覓梅花

山齋

晚日後堂

望月

開霽

同劉詒議詠春雪

雪朝

詠烟

春日

玄圃納涼

薄晚逐涼北樓觀望

秋夜

七夕

九日賦韻

賦得橋

春日看梅花

和湘東王陽雲樓簷柳

初桃

詠橘

香茅

繫馬

賦得舞鶴

登板橋詠洲中獨鶴

雙燕詩

聽早蟬

詠蛺蝶

詠螢

詠筆格

詠鏡

正月八日燃燈詩應令

和蕭東陽祀七里廟

賦詠五陰識枝詩

被幽述志詩

和湘東王三韻二首

春宵

冬曉

詠晚閨

曉思

同庾肩吾四詠二首

蓮舟買荷度

照流看落釵

賦樂名得箜篌

春日

賦得入堦雨

詠柳

詠芙蓉

詠梔子花

賦得薔薇

仰和衛尉新渝侯巡城口號

臨後園

雨後

和會三教

侍講詩

登錦堂

夜遊北園

遊韋黃門園

入淑浦

罷丹陽郡往與吏民別

示晉陵弟

夜望浮圖上相輪絕句

愁閨照鏡

金閨思二首

寒閨

從頓還城南

夜遣內人還後舟

贈麗人

遙望

行雨

和人渡水

雜詠

詠武陵王左右伍高傳杯

彈箏

梁塵

遊人

詠朝日

望月

華月

詠雲

浮雲

大同九年七月

詠薔薇

檉

詠疏楓

詠藤

詠飛來鸛鵒

詠單鳬

詠寒鳬

新燕

蜂

詠籠燈絕句

賦得白羽扇

詠獨舞

詠舞

七夕穿針

石橋

壞橋

水中樓影

和湘東王後園廻文詩

詠雪

登山馬

和湘東王古意詠燭

倡樓怨節

和蕭侍中子顯春別四首

夜望單飛鴈

應令

擬古

春情

傷離新體

附錄

本紀

梁簡文帝集目錄終

梁簡文帝集 目錄

梁簡文帝御製集卷之一

明太倉張

溥閱

賦

悔賦

有序

夫機難預知、知機者上智、智以運已、迷已者庸
夫、故易曰吉凶悔吝、生乎動者也、又曰悔吝者
憂虞之象也、傳云九德不訾、作事無悔、是以鄭
國盜多、太叔之恨表、衛風義失、宣公之刺彰、無

將詠興、壘事書作。季文再思而未可。南容三復而不暇。余以固陋之資、慎履冰之誠、竊服楚王之對、每徵后稷之詩、觸類而長、乃爲賦曰

默默不怡、恍若有遺、四壁無寓、三階寡趣、月露澄曉、風柳悲暮、庭鶴雙舞、檐烏獨赴、岸林宗之巾、憑南郭之几、玄德之眊、聊榮子安之嘯、時起靜思、悔吝鋪究、前史弔古、傷今、驚憂嘆圯、成敗之蹤、得失之理、莫不關此、今終繇乎謀始、棄夸言於頓丘、重前非於蘧子、蹟夫覆車之人、豈止

一途而已。至如秦兼四海之尊，握天下之富，混
一車書，鞭笞宇宙，胡亥之寄已危，萬代之祀難
構。阿衡失責成之所，趙高秉棟梁之授，拒諫逞
刑戮，宰誅守矜，上林之戲馬，嘉長楊之射獸，囁
咄禁中之言，欺侮山東之寇。及其祠崇涇水，作
繫夷宮，徒希與妻子伍。下願與黔首同，信殪絕
於凶醜，何前謀之不工。至如下相項籍，才氣過
人，拔山靡類，扛鼎絕倫，聲駕盛漢，勢壓餘秦。鉅
鹿有動天之卒，轅門有屈膝之賓。旣刊有功之

印亦疑奇計之臣。唱雞鳴於垓下。泣悲歌於美
人。抱烏江之獨愧。分漢騎之餘身。郭君失位。徒
馭而亡。尚悲殘榼。獨飲餘漿。枕畚空臥。伏軾懷
傷。魂飄原野。骨餌豺狼。楚王刻鶴。播徙南地。饒
管徒鳴。才人空置。豈輜車之足榮。匪射獵之娛
意。幽泉斯卽。白日何冀。寧喜納君。恃功肆寵。衛
侯厭黷。忠臣憤勇。昏迷靡悟。敗不旋踵。商君被
執。李斯赴收。身居闕下。命厄秦囚。追傷用法之
弊。還思不諫之尤。亦何解於今酷。終無追於昔

謀伯卓跋扈。豺目爲輔。弑君鳩子。誅李害杜。鬻
恩販寵。怨庶虐人。蔽朝政之聰。察害上書之烈。
臣榮暱子於阿尹。肆貪濁之淫威。樹姦黨於宮
禁。察人主之纖微。卒其膏鉄潤鉞。寘纒逢徽。壯
武英逸才。爲時出陸離。儒雅照爛文筆。江東啓
吞併之籌。幽州著懷遠之術。運鍾毀冕。時屬傾
顛。鏘鳴水濶。日黑山遷。劉卞之謀不決。忠良之
戮已纏。台耀之災雖啓。鷦鷯之賦徒然。士衡文
傑。綽有餘裕。氣含珠璧。情蘊雲霧。志闕沈隱。心

耽進趣、握茲猛衆、臨此勁兵、抗言孟玖、肆此孤
貞、牋辭已切、墨慢徒縈、形殞河上、心憶華亭、若
夫楊惲、狂言灌夫、矢志卒其殞、命埋軀、傷形屬
吏、周君、飲後、裴子、酣狂、靳固、紀瞻、之妾、眠臥、季
倫、之房、亦足以魂驚神爽、悔結嫌彰、已矣哉、波
瀾動兮、昧前期、庸夫蔽兮、多自欺、不遠而復、幸
無嗤、建功立德、有常基、胸馳臆斷、多失之、前言
往行、可爲師、

觀建國之皇王。選能官於前古。元帝慈而布教。
豈齊聖而作輔。伊吾人之固陋。宅璇漢而自通。
躡九枝而耀景。總六翮而搏風。屬玄玦之啓異。
逢玉弩之相驚。頓天羅於八表。騰雲驅於四溟。
發伏鱉之雄氣。耀策馬之高星。地邇朔塲。彊鄰
非極。壠樹饒風。胡天少色。上月斜臨。寒松遙直。
雲向山而欲歛。鴈疲飛而不息。何愁緒之交加。
豈樹萱與折麻。聞繁鉦之韻。冰聽流風之入筵。
終知客遊之阻。無解鄉路之賒。

述羈賦

奉明后之霑渥、將遠述於衡楚、歎雲霞之宵漫、
對江山之遙阻、是昔孟夏首節、雄風吹甸、晚解
纜乎鄉津、涕淫淫其若霰、舟飄飄而轉遠、顧帝
都而裁見、遠山碧、暮水紅、日旣宴、誰與同、雲差
我而出岫、江搖漾而生風、奉璽言而遄邁、改余
玉於江隈、遵陽塗而中正、軫悲心其若頽、引領
京邑、瞻望弗遠、戀逐雲飛、思隨蓬岑、觀江水之
寂寥、願從流而東反、

序愁賦

情無所治，志無所求，不懷傷而忽恨，無驚猜而
自愁，玩飛花之入戶，看斜暉之度寮，雖復玉觴
浮婉，趙瑟含嬌，未足以祛斯耿耿，息此長譴。

立虛公子賦

有立虛之公子，輕滅喧俗，保此大愚，居榮利而
不染，豈聲色而能拘，迴還四始，出入三墳，心溶
溶於立境，意飄飄於白雲，追寂園而逍遙，任文
林而佚宕，忘情於物我之表，縱志於有無之上，

不爲山而自高不爲海而彌廣

舌賦

奚茲先生問於何斯逸士曰夫三端所貴三寸
著名故微言傳乎往記妙說表乎丹青魯談笑
而軍却王言詠而瑞隆陸有千金之富周爲一
說之功復有構扇之端讒諛之迹豔紫凌朱飛
黃妬白吾將欲廢便辟之交遠巧佞之友矜張
儀之餘殲蘇秦之後粉虞卿之白璧碎漢王之
玉斗然後浮僞可息淳風不朽

晚春賦

待餘春於北閭，藉高讌於南陂。水篩空而照底，
風入樹而香枝。嗟時序之迴幹，歎物候之推移。
望初篁之傍嶺，愛新荷之發池。石憑波而倒植，
林隱日而橫垂。見遊魚之戲藻，聽驚鳥之鳴雌。
樹臨流而影動，巖薄暮而雲披。旣浪擊而沙游，
亦苔生而徑危。

大壑賦

渤海之東，不知幾億。大壑在焉，其深無極。悠悠

既湊滔滔不息觀其浸受壯其吞匿厯詳衆水
異導殊名江出濯錦漢吐珠瑛海逢時而不波
河遇聖而知清嗟乎使夫懷山之水積天漢之
流駛彭潛與渭濕俱臻四瀆與九河同至余乃
知巨壑之難滿尾閭之爲異

圍城賦

彼高冠及厚履並鼎食而乘肥升紫霄之丹地
排玉殿之金扉陳謀謨之啓沃宣政刑之福威
四郊以之多壘萬邦以之未綏問豺狼其何者

訪虺蜴之爲誰

舞賦

酌蒲桃、坐柘觀、命妙舞、徵清彈、
卅髮初筓、參差俱集、信身輕而釵重、
亦腰羸而帶急、響玉砌而遲前、
度金屏而斜入、似斷霞之照彩、
若飛鸞之相及、旣相看而繇眎、
亦含姿而俱立、於是徐鳴、
嬌節、薄動、輕金、奏巴渝之麗曲、
唱碣石之清音、扇纔移而動步、
鞞輕宣而逐唢、爾乃優游容豫、
顧眄徘徊、強紆顏而失笑、乍襍怨而
成猜、或低

昂而失侶，乃歸飛而相附，或前異而始同，乍初離而後赴，不遲不疾，若輕若重，盼鼓微吟，迴巾自擁髮，亂難持簪，低易捧，牽情恃恩，懷嬌妬寵。

箏賦

江南之竹，弄玉有鳴鳳之簫焉；洞陰之石，范女有游仙之磬焉。若夫排雲入漢之美，含商觸徵之奇，罷雍祠之麗響，絕漢殿之容儀，别有泗濱之梓，聳幹孤峙，負陰拂日，停雪栖霞，嶽峯岵嶸，立嶺相望，寄丹崖而茂采，依青壁而懷芳，奔電

碣突而彌固、嚴風猗拔而無傷、途畏峯澁、人群罕至、乃命夔班、剪而成器、隆殺得宜、脩短合思、矩制端平、雕鏤綺媚、旣而春桑已舒、暄風晻曖、丹萸成葉、翠陰如黛、佳人採掇、動容生態、值使君而有辭、逢秋胡而不對、里閭旣返、伏食蠶饑、五色之繆、雖亂八熟之緒、方治異東、垂之野蘭、非山經之漚絲、於是制絃擬月、設柱方時、若夫鏗鏘奏曲、溫潤初鳴、或徘徊而蘊藉、或慷慨而逢迎、若將連而類絕、乍欲緩而頻驚、陸離抑按、

磊落縱橫、奇調間發、美態孤生、若將往而自返、
似欲息而復征、聲習習而流韻、時怵怵而不竝、
如浮波之遠驚、若麗樹之爭榮、譬雲龍之無蒂、
如笙鳳之有情、學離鵠之弄響、擬翔鴛之妙聲、
朱絃在手、擊重還輕、爾其曲也雅俗兼施、諧雲
門與四變、雜六列與咸池、王讚旣工、阮賦亦奇、
曹后聽之而懽、謝相聞之而涕垂、至若登山
望別之心、臨流送歸之日、隴葉夜黃、關雲曉伏、
覩獨鴈之寒飛、望交河之水縮、聽鳴箏之弄響、

聞茲絃之一彈足使遊客戀國壯士衝冠若矢
楚王怡蕩楊生娛志小國寡民督郵無事乃有
燕餘麗妾方桃譬李本住南城經移東里納千
金之重聘擅專房之宴私方美珥而不減擬甘
橘而無啜聞削成於斜嶺照玉緻於鉛脂度玲
瓏之曲閤出翡翠之香帷腕凝紗薄珮重行遲
爾乃促筵命妓街觴置酒耳熱眼花之娛千金
萬年之壽白日蹉跎時淹樂久玩飛花之度窗
看春風之入柳命麗人於玉席陳寶器於紈羅

撫鳴箏而動曲。譬輕薄之經過。黛眉如掃。矇睢成波。情長響怨。意滿聲多。奏相思而不見。吟夜月而怨歌。笑素彈之未工。疑秦官之詎和。若夫釣竿復發。蛺蝶初揮。動玉匣之餘怨。鳴陽鳥之始飛。逐東趨於鄭女。和西舞於荆妃。足使長廊之瓦。虛墜。梁上之塵。染衣。鰾魚遊而不沒。白鶴至而忘歸。於是乎餘音未盡。新弄縈纏。參差容與。顧慕流連。落橫釵於袖下。歛垂衫於膝前。乍含猜。面移柱。或斜倚而續絃。照瓊環而俯捻。度

玉爪而徐牽、見微嚙之、有趣、看巧笑之多妍、抗
長吟之靡曼、雜新歌之、可憐、歌曰、年年花色好
足侍愛君傍、影入著衣鏡、裙含辟惡香、鴛鴦七
十二、亂舞未成行、故乃宋偉、綠珠之好聲、文君
慎女之清角、尚掩面而不言、韜輝而恥學、實
獨立之麗人、乃八神之佳樂、

金錚賦

有序

舍弟西中郎致金錚一枚、周禮云、鼓人掌六鼓
四金、以節聲樂、以和軍旅、以金錚和鼓、金鐻節

鼓注曰、鐔、鐔于也、圓如椎、頭大上小、下樂作鳴之、與鼓相和、淮南云、兩軍相當、鼓鐔相望、若古之禮器、飾軍和樂者矣、吾奇而賦之、其詞曰、

有鐔于之麗器、實軍樂之兼珍、伊前古以爲美、成名都之匠人、採赤鍔於蜀壘、求銅精於灌濱、若夫鼓以陽鑪、管之陰炭、是鑄是刻、載輝載煥、笑烏獲之奮槌、踰嵇生之善鍛、實規形之可悅、以鈔聲之遠聞、譬洪鐘之虎鈕、學章鼎之龍文、至於龔簋先列、金石俱諧、八能效技、六變程才、

觀雲龍之鬱郁、望威鳳之徘徊、沛縣留三日之
飲、平樂有十千之杯、揮秦箏之慷慨、伐晉鼓之
嘽、嘽、皆能協宮和徵、節往通來、宜奏有序、度曲
可觀、鄙金鋪之非德、喤商、鼗之易彈、應南斗之
鳴瑟、雜西漢之金丸、若夫伏波出討、貳師遠征、
蒲昌對戰、孤竹臨兵、映似月之遙羽、飛如鳧之
去旌、軍魚麗而齊上、陣龍膝而俱行、望烏雲之
臨敵、聞條風之入營、壯士被犀、良馬絡鐵、野曠
塵昏、星流電掣、日侵山而欲隱、霧陵空而不滅、

望水色其如花、覩奔沙之似雪、咸聽響而先登、
並聞鳴而爲節、當此時也、畫角聒吟、胡笳不吹、
刀斗暫捐、金鉦虛置、何資和之不營、而吐聲之
雄異、制六師之進旅、驚三軍之武志、嗟吾弟之
博物、實愛奇之已深、識且鑒於鳴石、既有踰於
兼金、如陳器於栢寢、似出鼎於汾陰、豈寶玦之
爲貴、非瑚璉之可欽、昔武都之一扇、乃銘功以
述心、矧元當之五熟、又刻篆以書育、况茲贈之
爲美、而古跡之可尋、聊染翰而操筆、終有愧於

琴琳

對燭賦

雲母窻中合花氍，茱萸幔裏鋪錦筵。照夜明珠
且莫取，金羊燈火不須然。下弦三更未有月中
夜，繁星徒依天。於是挂同心之明燭，施雕金之
麗盤。眠龍傍繞，倒鳳雙安。轉辟邪而取正，推櫺
牕而畏寬。綠炬懷翠，朱燭含丹。豹脂宜火，牛膝
耐寒。銅芝抱帶，復纏柯。金藕相縈，共吐荷。視橫
芒之昭曜，見密淚之蹉跎。漸覺流珠走熟，視絳

花多宵、深色、麗、焰、動、風、過、夜、久、唯、煩、缺、天、寒、不、
畏、蛾、菖、蒲、傳、酒、座、欲、闌、碧、玉、舞、罷、羅、衣、單、影、度、
臨、長、枕、烟、生、向、果、盤、迴、照、金、屏、裏、脈、脈、兩、相、看、

燈賦

何解凍之嘉月、值、蕤、英、之、盛、開、草、含、春、而、色、動、
雲、飛、絲、以、輕、來、南、油、俱、滿、西、漆、爭、燃、蘇、徵、安、息、
蠟、出、龍、川、斜、暉、交、映、倒、影、澄、鮮、

又

九微間吐、百枝交布、聚、類、炎、洲、跡、同、大、榭、競、紅、

葉之晨舒、葳蕤丹瑩之昏、驚蘭膏馥氣芬、炷擎心
寒、生色淺露、染光沉、

眼明囊賦

俗之婦人、八月旦、多以錦翠珠寶爲眼明囊、因
競凌晨取露、以拭目、聊爲此賦、

爾乃裁茲金縷、製此妖飾、緝濯錦之龍光、剪輕
羈之蟬翼、雜花勝而成疏、依步搖而相逼、明金
亂雜、細寶交陳、義同厭勝、欣此節新、擬椒花於
歲首、學天桃於暮春、

梅花賦

層城之宮靈苑之中奇木萬品庶草千叢光分
影雜條繁幹通寒圭變節冬灰徙筩並皆枯悴
色落搖風年歸氣新搖芸動塵梅花特早偏能
識春或承陽而發金乍雜雪而被銀吐豔四照
之林舒榮五衢之路旣玉綴而珠離且冰懸而
電布葉嫩出而未成枝抽心而插故標半落而
飛空香隨風而遠度挂靡靡之遊絲雜霏霏之
晨霧爭樓上之落粉奪機中之織素乍開華而

傍巘或含影而臨池向玉階而結采拂網戶而
低枝于是重閨佳麗貌婉心嫺憐早花之驚節
訝春光之遣寒袂衣始薄羅袖初單折此芳花
舉茲輕袖或插鬢而問人或殘枝而相授恨鬟
前之大空嫌金鈿之轉舊顧影丹墀弄此嬌姿
洞開春牖四卷羅帷春風吹梅畏落盡賤妾爲
此歛蛾眉花色持相比恒愁恐失時

採蓮賦

望江南兮清且空對荷花兮丹復紅臥蓮葉而

覆水亂高房而出叢、楚王暇日之歡、麗人妖艷
之質、且棄垂釣之魚、未論芳萍之實、唯欲迴渡
輕船、共採新蓮、傍斜山而屢轉、乘橫流而不前、
于是素腕舉、紅袖長迴、巧笑墮明璫、荷稠刺密、
亟牽衣而綰裳、人喧水濺、惜虧朱而壞妝、物色
雖晚、徘徊未返、畏風多而榜危、驚舟移而花遠、
訝曰、嘗聞葉可愛、採擷欲爲裙、葉滑不留綆、心
忙無假薰、千春誰與樂、唯有妾隨君

有頰娟之茂篠，寄江上而叢生。玉潤桃枝之麗
魚腸雲母之各日，映花靡風動枝輕。陳王歡舊
小堂，伫軸今餞故人。亦賦脩竹。伊嘉賓之獨劭，
顧余躬而自慙。

鴛鴦賦

朝飛綠岬，夕歸丹嶼。顧落日而俱銓，追清風而
雙舉。時排荇帶，乍拂菱華。始臨涯而作影，遂蹙
水而生花。亦有佳麗自如，神宜羞宜笑。復宜嘖
既，是金閨新入寵。復是蘭房得意人。見茲禽之

棲宿想君意之相親

鳩鵲賦

飲三芝之涓露食六艸之英芳似金沙之符采
同錦質之報章紅毛覆臆翠鬣垂心浴波泳渚
浮廣戲深臨高舞翮映淺弄音逐餘暉而顧景
乘清吹而微吟

詔

改元詔

蓋天下者至公之神器在昔三五不獲已而臨
蒞之故帝王之功聖人之餘事軒冕之華儻來
之一物太祖文皇帝含光大之量啓西伯之基
高祖武皇帝道洽二儀智周萬物屬齊季薦瘥
彝倫剝喪同氣離八莖之禍元首懷無厭之欲
乃當樂推之運因億兆之心承彼犄角雪茲讐
恥事非爲已義實從民故功成弗居卑宮菲食

大慈之業普薰，汾陽之詔屢下。于茲四紀，無得而稱。朕以寡昧，哀煢孔棘。生靈已盡，志不圖全。僂俛視陰，企承鴻緒。懸旌履薄，未足云喻。痛甚愈遲，諒闇彌切。方當玄默在躬，栢心事外。卽王道未直，天步猶艱。式憑宰輔，以弘庶政。履端建號，仰惟舊章。可大赦天下，改太清四年爲大寶元年。

卽位赦詔

朕以不造，夙丁閔凶。大行皇帝奄棄萬國，攀慕

號蹕，厝身靡所，猥以寡德，越居民上，災災在疚，罔知所托，方賴藩輔，社稷用安，謹遵先旨，顧命遺澤，宜加億兆，可大赦天下。

營莊陵詔

簡皇后窀穸有期，昔西京霸陵，因山爲藏，東漢壽陵，流水而已，朕屬值時艱，歲饑民弊，方欲以身率下，永示敦朴，今所營莊陵，務存約儉。

長寧可大布錢并今同營非劍勢有師

利則出而止然則流和應張雖但德式為

以是保愛官期許西水移動四山發海以

曾北劍端

三帝宜取點腹可大並天下

四賦神升人無敵神無雙以武若也本詩

我何需以意指此詩以意指此詩以意指

令

與劉孝儀令

劉遵爲晉安王宣惠雲麾二府記室，轉南徐州治中，後爲雍州復引爲安北諮議叅軍，及王立爲皇太子，仍除中庶子。大同元年卒。太子深悼惜之，與遵從兄孝儀

令

賢從中庶，奄至殞逝，痛可言乎！其孝友淳深，立身貞固，內含玉潤，外表瀾清，美譽嘉聲，流於士友，言行相符，始終如一，文史該富，琬琰爲心，辭章博瞻，立黃成采，旣以鳴謙表性，又以難進自

居未嘗造請公卿。締交榮和。是以新沓莫之舉。
杜武弗之知。自阮放之官。野王之職。栖遲門下。
已踰五載。同僚已陟。後進多升。而怡然清靜。不
以少多爲念。確爾之志。亦何易得。西河觀寶。東
江獨步。書籍所載。必不是過。吾省在漢南。連翩
書記。及忝朱方。從容坐首。良辰美景。清風月夜。
鷁舟乍動。朱鷺徐鳴。未嘗一日而不追隨。一時
而不會遇。酒闌耳熱。言志賦詩。校覆忠賢。權揚
文史。益者三友。此實其人。及弘道下邑。未申善

政而能使民結去思。野多馴雉。此亦威鳳一羽。足以驗其五德。比在春坊。載獲申晤。博望無通。賓之。務司成。多節文之科。所賴故人。時相婉偁。而此子溘然。實可嗟痛。惟與善人。此爲虛說。天之報施。豈若此乎。想卿痛悼之誠。亦當何已。往矣。奈何。投筆惻愴。吾昨欲爲誌銘。并爲撰集。吾之劣薄。其生也不能揄揚吹噓。使得騁其才用。今者爲銘。爲集。何益。旣往。故爲痛惜之情。不能已已耳。

與湘東王論王規令

王規字威明爲太子中庶子大同二年卒太子出臨與湘東王令

威明昨宵奄復殂化甚可痛傷其風韻適正神
峰標映千里絕迹百尺無枝文辯縱橫才學優
瞻跌宕之情彌遠濠梁之氣特多斯實俊民也
一爾過隙永歸長夜金刀掩芒長淮絕涸去歲
冬中已傷劉子今茲寒孟復悼王生俱往之傷
信非虛說

卹孔休源手令

金紫光祿大夫孔休源立身中正行已清恪昔
歲西浮渚宮東泊粉壤毗佐蕃政實盡厥誠安
國之詳審公儀之廉白無以過之奄至殞喪情
用惻怛今須舉哀外可備禮

與衡山侯恭手令

雍州蠻弓魏寇詔恭赴援除雍州刺史
太宗少與恭游特被賞狎至是手令

彼士流翫辭有關輔餘風黔首扞格但知重劔
輕死降胡惟尚貪恠邊蠻不知敬讓懷抱不可
皁白法律無所用施願克實邊戍無數遷徙諜

候惟遠。箱庾惟積。長以控短。靜以制躁。早蒙夢
念。敢布腹心。

臨城公夫人停省太子妃令

纁鴈之儀。旣稱合於二姓。酒食之會。亦有因不
失親。若使榛栗服修。贄饋必舉。副笄編珈。盛飾
斯備。不應婦見之禮。獨以親闕。頃者敬進醢醢。
已傳婦事之則。而奉盤沃盥。不行侯服之家。是
知繁省不同。質文異世。臨城公夫人於妃旣是
姑侄。宜停省。

教

移市教

臨淮作守。白鹿隨而忘返。蕭令解綬。黃雀從而
不歸。况復衛卒遮車。追民擁榜。瞻言前古。眇愧
弘多。吾旅泊冬。川阻茲涸。水日中總會。交貿遷
移。雖樊無外取。要得所求。而旗亭舊體。自有常
處。不容近違。孔奮遠逐。曹參正恐。舊肆盈虛。或
成彫廢。

復臨丹陽教

昔越張修猛。用弘美績。邊延善政。實著民謠。吾
冲弱寡能。未明理道。猥以庸薄。作守京河。將恐
五袴無謠。兩岐難頌。思立恩惠。微宣風範。

臨雍州原減民間資教

誠欲投軀決堤。曝身求雨。九伐方弘。三驅未息。
役費之憂。兵家斯惡。師興之費。日用彌廣。今春
流旣長。艫舳爭前。轉漕相迫。饋糧不闕。義存矜
急。無俟多費。

臨雍州革貪惰教

壯夫疲於擐甲，匹婦勞於轉輸。藜藿難克，轉死溝壑。春蠶不暖寒肌，冬收不周夏飽。胡甯斯忍，復加哀削，傷盜抵罪，遂爲十一之資。金作贖刑，翻成澗屋之產。

圖雍州賢能刺史教

冀州表朱穆之象。太丘有陳寔之畫。或有留愛士民，或有傳芳史籍。昔越王鎔金，尚思范蠡。漢軍染畫，猶高賈彪。矧彼前賢，甯忘景慕。可並圖象廳事，以旌厥善。

罷雍州恩教

折以片言事關往聖寄之勿擾傳彼昔賢故刻
木不對畫獄無入吾自之雍矜懷圉狎幸得天
無虛旱地耿怪蟲今軸車行塗舟艤且戒植柳
官渡尚或依然寄飯曹僖猶思恩宥况義化君
民節離寒暑憫茲岐路宜留惠澤

與僧正教

此州伽藍支提基列雖多設莊嚴盛修供具觀
其外迹必備華侈在乎意地實有未弘何者凡

鑄金刻木。鏤漆圖瓦。蓋所以仰傳應身。遠注靈覺。羨龍瓶之始晨。追鵠林之餘慕。故祭神如在。敬神之道。旣極。去聖茲遠。懷聖之理。必深。此土諸寺。止乎應生之日。則甃列形像。自斯已後。封以篋笥。乃至棄服離身。尋炎去頂。或十尊五聖。共處一厨。或大士如來。俱藏一櫃。信可謂心與事背。貌是情非。增上意多。精進心少。昔塔裏紅函。止傳舍利。象頭白繖。非謂全身。夫以畫像追陳。尚使吏民識敬。鎔金圖範。終令越主懷思。匹

以龍阿。尚能躍鞬。方之虎兕。猶稱出柙。況復最
大圓慈。無上善聚。聞名去煩。見形入道。而可慢
此雕香。蘊斯木櫺。緘匿玉毫。封印金掌。旣殊羅
閱。久入四天。又異祇洹。掩戶三月。寶殿空臨。瓊
階虛敞。密帷不開。非仲舒之曲學。紅壁長掩。似
邠卿之避讎。且廣厦雲垂。崇甍鳥跂。若施之玉
座。飾以金鈿。必不塵靄。日姿虧點。月面琉璃。密
窻自可輕風難入。龍鬚細網。足使飛燕不過。兼
得虔敬之理。必崇接足之心。彌重。可卽宣勅。永

使准行。

資遣孔燾二女教

夫思人生至輕。事惟悼往。表間式墓。義匪字孤。至如游殷之息。見撫張旣。橋玄之子。受託魏王。斯故美在令終。愛兼身後。故無錫令。孔燾經術弘長。志履貞槩。遊處積年。一朝長往。聞其在室二女。並未有行。可廣訪姻家。務求偶對。

甄異張景願復讎教

夫理感禽魚。道均荆棘。亦有鄉因行改。江以孝

移。張景願自縛到郡。稱其父爲韋法所殺。今于
公田渚斬法級祭墓。訖束身歸官。昔沂澤撫劍。
河南執戟。遠符古義。寔足可嘉。防廣刃讎。赦其
桎梏之罪。丁蘭雪恥。擢以大夫之位。

移文

答穰城求和移文

屬彼數及侮亡。運逢瓦解。石言水鬪。實驗地凶。飛絮雨粟。還符天怪。故淪俗駿奔。遺黎南請。所以皇略北征。事同拯溺。愍百姓之未安。傷一物之失所。故餘民襁負。掃地來王。而向化之黨。忽覽今移。咸以陶茲禮樂。重覩衣冠。已變伊川之髮。兼削呼韓之袵。甯當生入玉關。死歸建業。民情若此。匪我求蒙。行人遠屆。實亦勞止。想近察

時機遠詳圖緯早去中原遽反桑梓旋地脈而
北移越天渠而南指然後三姓二賢可存十半
如其遂固守株不達立象將恐衛將之師復有
狼居之戰應侯之討更覩陰山之哭

表

謝立爲皇太子表

伏見詔書以臣爲皇太子有命自天實驚物聽
鴻名盛典爰萃庸薄勢舉千鈞方茲未重高搏
九萬比此非遙臣本凡質賓實無取特以毓慶
雲霄憑暉晡極鳴玉內侍指麾外藩猶懼不任
尚疑廢職况復監撫守從道著前經恭敬溫文
義彰昔記震維禮絕離景事尊養德北宮贊業
東序魏乎非擬漢莊靡繼臣牧拙樊漢始獲言

歸遂以下木屬當上嗣事異定陶之舉有類膠
東之冊將何以著三善之德延四皓之遊屈叔
譽之辭繹下蘭之頌。

拜皇太子臨軒竟謝表

臣聞團暉麗天游雷居震必資令德實建賢明
臣本空薄器業無取已慙好儒之志且乏豐下
之姿叨逢茲獎事出希世方將問安寢門視膳
天幄察陳奏之章示嚴警之書出龍樓而祇召
息車馳道待鑾輿而巡幸說經孔庭足踐闔闔

風雲之勢斯近。飛霞倒景神仙之舉超然何以
允副元良和茲守器逢師曠之襲值史丹之述

謝賜新曆表

五司告肇萬壽載光瑄叶璧輪慶休寶曆班和
布政懸闕徇道式弘敬授之典載闡浹辰之教

又

璿籥環璣鳳司肇律觀斗辨氣玉琯移春萬福
維新尅固天保

上昭明太子集別傳表

臣聞無懷有巢之前書契未作尊盧赫胥之氏
墳典不傳若夫正少陽之位主承祧之則口實
爲美唯稱啓誦自茲厥後罕或聞焉昭明太子
稟仁聖之姿縱生知之量孝敬兼極溫恭在躬
明月西流幼有文章之敏羽籥東序長備元良
之德蘊茲三善弘此四聰非假二疎甯勞四皓
虎賁而○其經學智囊慙其調護豈止博望延賓
壽春能賦問疑棗據書戒憑陵而已哉玉折何
追星頽靡續地尊號嗣外陽之術無徵位比周

仙緱山之駕不反臣以不肖妄作明離出入銅
龍瞻仰故實思所以揄揚盛軌宜記德音謹撰
昭明太子別傳文集請備之延閣藏諸廣內永
彰茂寬式表洪徽

上大法頌表

臣綱言臣聞至理隆而德音闡成功臻而頌聲
作在乎奚斯考甫神雀嘉樹或止事乎區中慶
昭乎一物猶且手舞足蹈傳式方來况迺道出
百非義高三代而可閣筆韜詞詠歌不作者也

伏惟陛下天上天下妙覺之理獨圓三千大千
無緣之慈普被慧舟匪隔法力無垠躬紆尊極
降宜至理澤雨無偏心田受潤是以九圍共溺
竝識歸涯萬國均夢一日俱曉佛法之勝事國
家之至美稽之上古未有斯盛雅頌之作不可
闕也謹上大法頌一首曹不從征之賦劉坦遊
侍之談曾無連類伏兼悚慙不勝喜悅之誠謹
遣狀詔鍾超寶奉衣獻頌以聞

上南郊頌表

雖周郊南甸。宗伯之官徒設。漢興北時。寅恪之道未隆。而體元含極。先後弗違。典盛望禋。理通孝敬。潔靜之禮載光。禘郊之風斯洽。昔東平琅琊著藻。炎德臨淄。中山摘文。魏美。

上白兔表

瑞表丹陵。祥因舊沛。四靈可邁。旣驗玉衡之精。千歲變采。有符明月之狀。豈殊丹岫之羽。來止帝梧。庶比素質之禽。得遊君園。

請朱异奉述制旨易義表

臣聞仰觀俯察定八卦之宗河圖洛書符三易
之教譬彼影圭居四方之中極猶彼黃鍾總六
律之殊氣疑關永闢踰弘農之洞啓辭河旣吐
邁龍門之已鑿臣以庸蔽竊尚名理鑽仰幾深
伏惟舞蹈冒欲請侍中右衛將軍臣昇於玄圃
宜猷堂奉述制旨易義弘闡聖作垂裕蒙求謹
以表聞伏願垂允

請賀琛奉述毛詩義表

臣聞樂由易來性情之本詩以言志政教之基

故能使天地咸亨。人倫敦序。故東魯夢周窮茲
刪採。西河紹魏。著彼續述。叶星辰而建詩。觀斗
儀而命禮。以爲陳徐雅頌。膏肓匪一。燕韓篇什。
痼疾多端。北海鄭君。徒逢箋釋。南郡太守。空爲
異序。庶令中和永播。碩學知宗。大胥負師。國子
咸紹。孝敬之德。化洽天下。多識之風。道行比屋。
爲甯國臨城二公請入學表
臣聞瞻彼緝弧。旣須良冶。相諸筍玉。猶藉他山。
故沮渙之水可居。鄒魯之鄉爲貴。下帷投斧。昔

梁簡文帝集卷之十一
人。以。爲。精。力。棄。竿。委。麥。先。哲。以。爲。美。談。伏。惟。陛
下。弘。至。德。之。微。言。闡。無。爲。之。妙。說。話。郊。講。道。不
勞。賈。生。之。議。就。陽。啓。位。無。待。公。王。之。圖。願。得。齒
年。國。胄。隨。肩。選。造。

讓鼓吹表

寬博爲善。不飾被于聲明。緣寵成功。未增榮于
鐃管。豈宜響芳樹于西河。鳴朝飛于黑水。彼已
之譏。何懼。尸素之誠。知慙。

讓驃騎揚州刺史表

常願親侯就列。希同特進之班。角巾還第。不蒙
龍驤之賞。而天澤無涯。名器總集。竊以驃騎之
官。旣爲上將。神州之重。實號中土。故以彈壓六
戎。冠冕九牧。豈止司隸絳節。金吾緹騎。况復任
總皇畿。位重連率。驃騎之號。厯選爲重。元狩之
中。始自去病。永平之建。特受劉蒼。齊憲爲公主
所申。吳漢因群臣之舉。

在州羸疾自解表

昔違紫複。曾不弱冠。今夢青蒲。逝將已立。願歸

之謁。不逮宸矜。民請之書。遽降天允。屬上黨之
雄。山西宣將。五較失道。八尉驕貪。一箭而解重
圍。更成戎阻。九戰而絕甬道。翻就喪師。雖王郭
不追。朱買難嗣。實以塞檐明目。日夜厲精。地雜
黠羌。民多獷俗。人非公孝。欲使任類。汝南勲異
伯宗。必須榮踰戊巳。州牧良才。實屬多士。無令
菲薄。徒積妨賢。

爲武陵王讓揚州表

臣延首青冥。傾心紫府。言非東里。誠譬北辰。而

滔滔雲漢不被濡然之澤鬱鬱僊居方隔下臣
之奏周任量力固請所陳明主理奪伏冀照許
臣聞繫風捕影涉求之路靡階玉馬金舟過遠
之資無託

爲長子大器讓宣城王表

襄野之辯尚對軒君弘羊之計猶于漢主徒以
結慶璿源乘蔭霄極一日千里因騏驥之馳高
臨百尺藉雲崖之遠熙祖流聰慧之稱方建臨
淮之國元仲表岐疑之姿乃啓平原之封南郡

與部。春穀名區。民化仲翔之俗。山峻陵陽之嶺。而綠車赤綬。交映相暉。金璽銀券。炤灼光彩。

爲子大心讓當陽公表

日蝕之餘。無黃童之對。荷戟入榛。異子烏之辯。遂復早建茅社。夙聞井賦。爵列五等。綬參四色。爲子大款讓石城公表

詭對鶴書。俯羞鴉翼。臣生處深宮。未覩焦原之險。不出戶庭。豈觀砥柱之峻。臣聞均塘汎水。豈義大瀆之流。覆簣爲峰。終垂小魯之說。

疏

愍囚徒疏

伏以明慎三典、寬簡八刑、宸鑒每以垂心、國誥是焉攸切、臣以此時奉勅、權視京師、雜事切見南北郊壇、材官車府太官下省左裝等處、上啟並請四五歲以下輕囚、助充使役、自有刑均罪等、憊目不異、而甲付錢署、乙配郊壇、錢署三所、於辛爲劇、郊壇六處、在役則優、今聽獄官、詳其可否、舞文之路、自此而生、公平難遇、其人流泉

易啟其齒。將恐玉科重輕。全關墨綬。金書去取。
更繇丹筆。愚謂宜詳立條制。以爲永准。

章

爲南平王拜大司馬章

臣度連宸萼、地實璿跼、王業權輿、夙奉締構、爰
頒盧綰、同贊密謀、豫均鄧禹、俱奉明詔、故搏飛
九萬、實假扶搖之力、冲天百尺、無俟剗剗之勞、
爲王規拜吳郡太守章

臣今願歛衽後思、循墻所忝、示山河而形勝、顧
浮橋而不見、蒼鷹一遊、望仙掌而逮然、方當駕
吉祥之車、入勾吳之地、驅緹扇之馬、撫奉德之

鄉製錦何階芬絲方始

引今際茲增發風韻融萬永示山國而漢詩曰
先生如我長勝太寧章

或為宮廷外對之代報元百以無效傳聞之幾
而意謂同體容與新後從高知本即臨於許郭
至其山羅支批青裙恤正紫袖也風亭創新文
似似可正對式示也章

啓

賀洛陽平啓

自函洛榛曠、獯獫薦食、久絕正朔之風、不覩輶
軒之使、乘此戰心、負斯戎足、每興燔燧之警、常
勞守障之民、自非聖畧弘宣、天綱遐頓、豈能使
漢地盡收、名王爭入、方今九服大同、萬邦齊軌、
亭塞寢兵、關侯罷析、臣誠兼家國倍深歡慶、

上武帝菩提樹頌啓

臣聞擊轅小唱、有慕風雅、巴人淺曲、實仰陽春、

是以葑葵細葉、有傾朝景、燭火微光、不能自息。
伏惟陛下至德欽明、立猷廣運、乃神乃聖、道跨
軒矯、正覺正真、功符圓極、常住爲樂、法喜爲甘。
慈雨被於無垠、睿化覃於幽顯、故八風調、四氣
正、天下定、海外安、弘龍窟之威、紹鷲山之法、無
爲不住、實愍蒼生、無相乃宜、引歸真域、製茲道
樹、顯此金容、使誓願者結因、頂禮者增福、會途
已、一古今誰二、伏以器表承露、東阿薦銘、瑞啓
黃龍、中山興頌、臣雖不敏、實有愚心、謹上菩提

樹頌一首、學謝稹古思、非沈鬱不足以光揚盛德、髣髴一隅、顧而竊言、伏紙慙震、謹啓

上皇太子立圃園講頌啓

竊以舜韶始唱、靈儀自舞、陳律纔暄、風心競慕、輕禽短葉、尚識音光、沐譖歡心、甯忘撫拊、伏惟殿下體高立、賸養道春、禁牢籠文圃、漁獵義河、注意龍宮、研心寶印、雲聚生什之材、並命應王之疋、探機析理、怡然不倦、朱華景月、詎此忘罷、屬素藏晚節、立英初氣、霜竹浮陰、風梧散葉、從

客雅論實會神衷綱經生多幸屬此休世躊躇
奉渥得備磐藩而黏蠅未拔迷象不羈寶沒醉
衣珠沈勇額得聞勝善甯忘歌詠謹上玄圃園
講頌一首文慚綺發思闕彫英徒懷舞蹈之心
終愧清風之藻冒昧呈聞追深赧汗謹啓

上東宮叙南康王薨啓

方當逸足長衢克固蕃屏而峰摧壁毀一朝云
及綱兄弟各從王役東守西撫常願陪承甲館
同奉畫堂預得西苑賦文北塲旅食豈謂不幸

獨隔昭世，異林有悲。飛鳴斯切，伏惟殿下愛睦。
恩深，常棣天篤。北海云亡。騎傳餘藁。東平告盡。
驛問留書。嗚呼！此恨復在茲日。

謝勅賞中庸講疏啓

若覩玄圭，如觀金版。洽日九披，流光照灼。慶雲
五色，垂采氤氲。天經地義之宗，出忠入孝之道。
實立教之關鍵，德行之指歸。自非千年有聖，得
奉皇門，無以識九經之倫，稟二門之致。竊以周
發上聖，問五行於箕子。宣尼照極，訪六僂於萇。

弘、未、有、懸、鏡、獨、曉、仰、均、神、鑒、方、知、始、畫、八、卦、風、
義、有、慙、正、名、百、物、軒、轅、爲、陋、

謝勅示苦旱詩啓

伏以九年之水、不傷堯政、七載之旱、無累湯朝、
歲弘則公田已修、農勤則我庾惟億、今者亢陽
以來、爲日未久、將恐督郵不黜、失在汝南之守、
曝耑未收、無傷河南之尹、而載勞興居、仰發歌
詠、無愛珪璧、有事山川、菲飲食矣、加之以撤膳
焉、中夜不寐、加之以申臣焉、此唐虞之所闕、如

軒頊之所不逮

謝賞扇啓

臣綱啓傳詔饒僧明奉宣敕旨垂賞細綾大文
畫柳蟬山扇二柄文均析縷香發海檀肅肅清
風卽令象簟非貴依依散彩便覺夏室含霜飲
露青蜩應三伏之脩景群飛黃雀送六月之南
風蔽日垂陰薰澤慙承浮涼滌暑蘋末愧吹聖
人造物之巧俯萃庸薄王府好玩之恩於茲下
被頂戴曲私伏增欣躍謹奉啓事謝聞

謝賁碧慮基子屏風啓

臣綱啓宣詔王佛慧奉宣勅旨垂賁碧慮基子
屏風二十牒極班馬之巧兼曹史之慮均天台
之翠壁雜水華之嘉名使雲母之窓慙其麗色
琉璃之扇愧其含影仰降聖慈曲垂霑逮喜逐
思來驩同鳳舞言因謝盡更類三緘不任銘荷
之誠謹奉啓謝以聞

謝勅賜玉佩啓

臣綱言主衣裘智瑋奏宣勅旨垂賁臣玉佩一

具藍田麗彩、槐水鏤文、飾以金闕之珠、製以魯班之巧、故以裾端照色、影外生光、恩發內府、猥垂霑賜、臣方溫謝德、比振慙聲、沐浴深慈、欣荷交至、

謝勅賁魏國獻錦等啓

山羊之毳、東燕之席、尚傳登高之文、北鄴之錦、猶見胡綾、織大秦之艸、戎布紡玄菟之花、

謝勅賁善勝威勝刀啓

冰鍔含采、彫琰表飾、名均素質、神號脫光、五寶

初成曹丕先荷其一。二勝今造愚臣總被其恩。
錫韓非之書未足爲比。給博山之筆。方此更輕。
謝勅賁方諸劍等啓

纔發玉雨彫奇。溢目始開牙檢。麗飾交陳。已匹
丹霞之暉。乍比青雲之制。身文自貴。器用惟宜。
寒暑兼華。左右相照。

謝勅賁貂坐褥席啓

東瀛美毳。不著馬彪之儀。比朔文茵。豈聞張敞
所記。陰炭旣重。寒井猶冰。特降殊私。溫華曲被。

雖狐白千金，織成千種。李頌漢被，楊降曹甕，不足以髣髴洪慈，連類聖澤。

謝勅賁織竹火籠啓

池水始浮，庭雪向飛。慈澤無涯，時錫香被。製此簡枝，雕斯早節。文華九折，用美十鑪。

謝勅賁廣州堰啓

淮南承月之杯，豈均符彩。西國浮雲之枕，非謂壞奇。臣南珍靡究，未讀奏曹之表。方物罕逢，不識議卽之畫。

謝勅賁大菰啓

吳愧千里之尊。蜀慙七菜之賦。是知泮宮採芣。
空入魯詩。流火烹葵。徒傳幽曲。

謝勅賁長生米啓

堯禾五尺。未足稱珍。漢苗九穗。方斯非礙。如隨
瑞鹿。若降神烏。暮律向游。獻春方始。食乃民天
之貴。粒有延齡之名。藉此資身。因斯養性。

謝勅賁城邊橘啓

結根壟首。垂陰陽塹。甘踰石蜜。味重金衣。暉章

縹李。豈止稱於晉。世上林芙蓉。非獨高於漢。日

謝勅賁益州天門冬啓

逮自星橋。見珍玉壘。本艸稱其輕身。延壽實爲
上藥。姪晉之重丹。桂曹丕之愛落英。一蒙恩錫。
竊幸往代。

謝勅賁河南茱啓

海水無波。來因九譯。周原澤洽。味備百羞。堯非
未儔。姬歆非喻。

謝東宮賜裘啓

綱啓蒙賞豹裘一領降斯止謗垂茲信服物華
雉毳名高驚羽綱才慙齊相受白狐之飾德謝
漢蕃均黑貂之賜地捲朔風庭流花雪故以裾
生惠氣袖起陽春荷澤知慙瞻恩與戀不任下
情謹啓事謝聞

謝東宮賜柿啓

懸霜照采凌冬挺潤甘清玉露味重金液雖復
安邑秋獻靈關晚實無以匹此嘉名方茲擅美

答安吉公主餉胡子一頭啓

方言異俗極有可觀。山高水遠。宛在其貌。不使
去來執轡。婉彼青衣。正當出人。燒香還依丹轂。
豈直王濟女奴。獨有羅袴。方使樂府行胡。羞論
歌舞。垂賚新奇。伏增荷怵。

謝邵陵王禁錮啓

臣綸習近宵人。不能改過。屢犯明憲。三入刑科。
昔繆彤掩扉。曹儀著論。布衣兄弟。且相誠勗。以
臣居長。終慚勸勵。仰負慈嚴。心顏戰戰。

請武帝御講啓

此重雲
之講

臣綱臣綸臣紀言、臣聞紫宮麗天、著明玄象、軒
臺在嶽、逖聽良書、是以道彌隆而禮愈縻、德彌
溥而事愈泰、此蓋彰至治之尊、牧生民之本也、
伏以大光嚴殿、侔神垂則、冲天開宇、功深大壯、
事協文明、儀辰建極、切靈啓構、照燭三光、合超
百堵、咸謂心華所表、復非良匠之力、神通所現、
不藉子來而成、實惟淨國、固絕董落之禮、高邁
釋宮、理無鹿鳴之宴、竊惟妙勝之堂、本師於茲、
佛吼摩尼之殿、如來亦闡法音、伏希躬降、睟容

施灑甘露、油然慧雲、霈然慈雨、光斯盛業、導彼
蒼生、履天居而說無相同、真也、建佛事而被率
土、化俗也、同真化俗、至矣哉、一舉而三美顯、豈
不大乎、與彼陁山之上、僊巖之下、西都鳳皇、負
陽鸞、驚安足同日而語哉、敢露丹愚、伏待矜遂、
輕于聽覽、流汗戰懾、謹啓

重請御講啓

臣綱、臣綸、臣紀言、一日輕最上聞、願垂法雨、天
鑒凝遠、未蒙降遂、預均藥木、誠同器水、徒美春

華還憐秋藿伏惟陛下德冠受圖道隆言契四
三六五不能喻十堯九舜無以方而秋風動條
尚興未息之念一物失所猶起納隍之仁方留
衢室之情未議石渠之講竊以神通所現一念
萬機大權所行應時三密猶處禪寂影現十方
一起道場已爲八會豈與吹律之后均熊湘之
勞鑄鼎之君切風雨之務伏願以平等慧行如
來慈爲度蒼生降希有事使朝滿一乘情皆十
善智珠法炬人人竝持四忍五明家家可望謹

昌天威重以聞啓、翹誠注仰、伏希允遂、使北冀、
無山、豈自高於曩日、南陽廻景、不獨隔於當今、
謹啓

又請御講啓

臣綱臣綸臣紀言、敢藉寵靈、頻于聽覽、再降神、
旨、未垂臨燭、伏以皇政廣覃、天覆悠遠、海河夷、
晏、日月貞明、洛水有稱蕃之胡、藁街有歸命之、
虜、春戈已戢、秋塵不飛、槐棘均多士之詩、貂璫、
有得賢之頌、聖德冲謙、劬勞日昃、猶以時多禹、

歎物未堯心百辟慚惶羣司聳蕩臣等或三善
靡聞或一官不効嗜鮑逢宰相之請學儉得叅
軍之譏而自以結根天苑竊高前載是以匪懼
塵黷復敢上聞伏願樂說大慈特垂矜許放光
動地不以法妨俗隨機逗藥不以人廢言俾茲
含生凡厥率土心花成樹共轉六塵鏡裏得珠
俱開三障於其誠願孰不幸甚累冒宸嚴倍增
戰息謹啓

奉請上開講啓

此同泰
之講

臣綱言竊以真如無說、非空不悟、極果不應、注
仰斯通、故器有水、緣方見圓、曦之影、藥含長性、
得墜慧雲之、慈伏惟陛下玉鏡宸居、金輪馭世、
應跡有爲、俯存利物、不違本誓、開導愚蒙、驅十
方於大乘、運萬國於仁壽、豈止治斤田粟功侔、
造化疏江、決河削成、天下智高九縣、明出十堯、
頻徙鑾蹕、降甘露雨、天人舞蹈、含生利益、是以
背流知反、迷岸識歸、臣自叨預趨聞、渴仰無厭、
一日冒陳丹款、伏希復轉法輪、未廻聽卑之恩、

尚絕愚臣之願、悽悽寸志、重敢披祈、伏願將降
一音、曲矜三請、被微言於王舍、集妙義於寶坊、
聖心等視蒼生、猶如一子、遂臣之請、卽是普被
無邊、如蒙允許、衆望亦足、兩肩荷負、豈敢爲喻、
不任下願、謹啓事以聞

謝上降爲開講啓

臣綱啓舍人徐儼奉宣勅旨、無礙大慈、不違本
誓、來歲正月、開說三慧經、伏奉中詔、身心喜躍、
饑蒙玉膳、比此未踰、貧獲寶珠、方斯非譬、伏以

元正慶流，大裘禮畢，慧雲續潤，法雨仍垂，出世
洪恩，與陽春而布澤，俾茲含生，隨藥木而增長，
懽同萬國，福浹九圍，豈直愚臣，得未曾有，謹宣
今勅，馳報綸紀，具爾相趣，無辭上謝，謹啓

重謝上降爲開講啓

臣綱啓：丹願懇誠，屢冒宸扆，實希降甘露雨，普
被三千，天聽孔邈，未垂鑒遂，旱苗傾潤，豈比自
憐、賜、鳥、思、林、甯、方、渴、仰、近、因、大、僧、正、慧、令、伏、敢
重祈降逮，勅旨垂許，來歲二月，開金字波若經

題殊特之恩、曲應愚請、稽拜恭聞、不勝喜躍、身心悅樂、如觸慈光、手足蹈舞、義非餘習、伏以香城妙說、實仰神文、潤方雲雨、明踰日月、能使迷途識正、大夢均朝、梵志懼來、天魔遙禮、提桓所聽、而今得聞、波崙所求、希世復出、其爲利益、深廣無邊、九圍獲悟、十方蒙曉、雖復識起、初流心窮、後念方當、共捐五蓋、俱照一空、巍巍蕩蕩、難得爲喻、臣仍屈慧、令續宣此典、大乘普導、寔繇聖慈、伏筆罄言、甯宣戴荷、不任下情、謹啓事謝

聞

謝開講般若經啓

臣綱言伏承輿駕臨同泰寺、開金字般若波羅
蜜經、題照迷生之慧、日導出世之長源、百華同
陰、萬流歸海、幽顯讚揚、率土含潤、臣身礙已來
望舒盈闕、甘露普被、人天俱萃、波若魔事、獨在
微躬、馳係法輪、私深尅責、不任下情、謹奉啓奉
承

答同泰寺立剎啓

竊以寶塔天飛、神龕地踊、豈惟昔代、復見茲辰、
嘉彼百靈、欣斯十善、雖復紫煙旦聚、比此未儔、
朱光夜上、方今知陋、

謝勅使監善覺寺起刹啓

臣綱啓伏見勅旨使監作舍人王曇明材官將
軍沈微御仗吳景等監看善覺寺起刹事爰奉
聖恩曲降神力命斯執事修茲長表寶塔雲構
無待喜園水精特進非差龍海大龜持泥未足
爲盛鶩鶩引繩方斯取埒仰瞻慈渥喜戴不勝

俯循宿願、私增涕噎、不任銘荷、謹奉啓謝聞

謝御幸善覺寺看刹啓

臣綱言卽日輿駕幸善覺寺、威神所被、金表建立、槃泰清而特起、接庫樓而上征、旣等湛然、長均淨土、方爲佛事、永利天人、頂荷之誠、臣百恒品、不任下情、謹奉啓事謝聞

謝勅賁銅供造善覺寺塔露盤啓

臣綱啓主書陳僧聰奉宣勅旨、垂賚銅一萬三千斤、供造善覺寺塔靈盤、是稱邛陽之珍寶、亦

昆吾之珪、燥濕無變、九布見奇、寒暑得宜、六律成用、況復神龍負子、光斯妙塔、金鳥銜帶、飾茲高表、函谷耻其詠歌、臨淄惡其祥應、陽燧含景、還譬日輪、甘露入盤、足稱天酒、辭林本闕、心辯又慙、徒戴重恩、終難陳謝、不任銘荷之誠、謹奉啓聞、

謝勅賁柏剎柱并銅萬斤啓

臣網啓、傳詔呂文強奉宣勅旨、賁臣栢剎柱一口銅一萬斤、供起天中天寺、九牧貢金、千尋挺

樹永曜梵輪方興寶塔。夏差神鼎。晉愿相風使
福被域中。功裨無外。臣以庸愚。稟承勝善。樂受
遍心。恩光動色。銘荷之誠。無詞啓謝。不任頂戴。
謹奉啓謝聞。

謝勅賞錢并白檀香。克法會啓

臣綱啓傳詔奉宣勅旨。以臣明法會垂賞錢二
十萬。白檀薰陸。篋香各十斤。黃紙詔書。先開泉
府青雲好氣。次集桂宮。貨重文龜。芳踪麗艸。散
金廡下。止及軍吏。積穀充家。纔班親族。未若資

此良田方開五益入茲法度長出四流假詞敬
祖尚慙難述借辯君卿猶知非謝不任荷戴謹
啓事以聞

謝勅賚苦行像并佛跡啓

臣綱啓舍人顧虔奉宣勅旨以金銅苦行佛并
佛跡供養具等賚使供養伏以六年道樹超出
四魔千輻足輪德圓萬善故能聞見悟解逢遇
祛塵天聽恩隆曲垂獎被謹修飾欄宇齋潔身
心翹仰慈光伏待昭降千唱四辯尚不宣心輕

毫、弱、簡、豈、能、陳、謝、不、任、下、情、謹、啓、事、謝、聞

奉阿育王寺錢啓

臣綱言臣聞八國同祈事高於法本七區皆蘊
理備於湧泉故牙牀白繖無因不覩金瓶寶函
有緣斯出伏惟陛下懸天鏡於域中運大權於
宇內三有均夢則臨之以慧日百藥同枯則潤
之以慈雨動寂非已行住因物無能名矣臣何
得而稱焉故以照光赤書則前史之爲瑞珥芝
景玉嗤往代之爲珍難遇者乃如來真形舍利

照景蜜瓶、浮光德水、如觀鈎鎖、似見龍珠、自非
聖德威神、無以值斯希有、天人頂戴、遐邇歸心、
伏聞阿育王寺、方須莊嚴、施用萬金檀、豐十藏、
寶陳河府、泉出水衡、比丘持土、大厦方構、羅漢
引繩、高塔將表、不勝喜抃、謹上錢一百萬、雖誠
等散華、心荷不盡、而微均滴瀝、陋甚隣空、輕以
塵聞、伏啓悚汗、謹啓

謝勅賜解講錢啓

無勞磁石之火、金貨猥臻、非遊玉壘之川、銅山

可見舒王濟之埒。猶覺有餘。餽劉寔之繩。穿而
不盡。慧輪究竟。爰降曲私。福田成滿。仰繇慈被。
榮光獨照。自均若木。負恩知重。竊譬蓬萊。

謝賜錢啓

殊澤隆厚。造次被蒙。重彼八珠。珍斯九法。赤仄
成采。出自水衡之藏。紺文委貫。忽積銅扇之裏。
謹長克放生。用濟含識。發弘誓願。等供無邊。效
彼薄拘。均茲流水。方使怖鴿獲安。窮魚永樂。

謝賁納袈裟啓四首

臣綱啓殿師吳苗奉宣勅旨垂賚鬱泥細納袈
裟一緣分同妙葉。界寫長塍。拂石慙華。裁金非
重。是曰新染。厥惟田服。方使幽貞芳杜。耻緝芙
蓉。仙客排雲。羞裳飛羽。穢食凡軀。無明暗識。叨
恩每重。荷澤難勝。不任銘戴之至。謹奉啓事謝
聞。

又

臣綱啓蒙賚鬱泥納袈裟一緣。荀鍼秦縷。因製
緝而成文。魯縞齊紕。藉馨漿而受彩。初開篋笥。

便覩舍衛田疇。不出戶庭。坐視南山。塋陌竊以
三銖輕暎。稱美服于淨居。千金巨麗。得受用于
迦葉。而湛恩特被。萃此愚躬。霜降授衣。曲澤便
及。喜溢心崖。如從空中所墜。忽不自知。更謂寶
支所出。采襖四色。事非離世。鉤蘭兩葉。殊澤實
隆。不任荷戴之至。謹啓事謝聞。

又

臣綱啓宣傳左右。俞景茂奉宣勅首垂賚。鬱泥
真納九條袈裟一緣。精同織縷。巧均結毳。邁彼

良疇成斯妙服、雖復貴比千金、輕踰二兩、無以匹此洪恩、方斯殊賁、臣臥疾累旬、未堪行踐、不獲卽被新染、陪侍寶坊、塵緣穢體、愧荷相集、不任慙悚之至、謹啓事謝聞、

又

蒙賁鬱金泥、細衲袈裟一緣、忍辱之鎧、安施九種功德之衣、慚愧八法。

謝勅聽從舍利入殿禮拜啓

臣綱啓舍人王景曜至奉宣勅旨、曲垂逮聞、并

聽臣隨從舍利入殿禮拜謹奉秋色照澄預表
光瑞臣比身心得無障惱明陪扈寶函謹鞠躬
恭到但不生羽翼無假神通身升淨土高排閭
闔足踐蓮華方茲非喻行躡寶梯比斯未重誘
導殊恩實迴始望顧茲塵縛喜戴不勝謹啓

謝勅使入光嚴殿禮拜啓

臣綱啓舍人王景曜奉宣勅旨曲垂勞問并使
明入光嚴殿禮拜法身謹奉臣粗蒙恩造明守
開恭到遂以勞屢升淨土風積水厚不足爲喻

微心悚躍、上謝無辭、不任下情謹啓事謝聞、

謝勅爲建浪、繫懺啓

臣綱啓伏聞勅旨垂爲臣於同泰寺瑞應殿建
湟、槃懺、臣障雜多災、身穢饒疾、鍼艾湯液、每黷、
天覽、重蒙曲慈、降斯大福、冀慧雨微垂、卽滅身、
火、梵風纔起、私得清涼、無事非恩、伏枕何答、不
任下情謹奉啓謝聞、

謝勅參迎佛啓

臣綱啓主書周昂奉宣勅旨曲賚恩參、臣卽爾

到建元寺奉候法身金山戾止王人勞問榮恩
頻疊啓謝無辭不任下情謹啓事謝聞

梁簡文帝集

卷之一

啓

五十四

